

ایکینجی سنه

نومرو : ۹

خزینہ اوراق

تاریخ تاسیسی

۱ مایس سنه ۱۲۹۲



مؤسسی

محمود جلال الدین



تاریخ طبع
و نشر } ۱۲
۱۲۹۹

بو رساله ادبیه جمعہ ایرتسی کونلری چیقار

انجماد

اطعمه مزه لذت ویرن بر طوز؛ ویا الماس، یاقوت،
 زمرد کبی شیلره نظر دقتله باقیان بولنسه ییله باقائلر
 اجرای تحقیقات ایتکده لردر، فنی معلوماته کوره :

ایکی نوع طوز وارد بریسی دکردن و دیگری قره-
 دن چیقار. طوز و مجوهرات و بللور مقوله سنندن اولان شیلر،
 عن اصل اوفق پارچه لردن عبارت در صکره دن یکدیگریله
 بالالتحاق هیئت طبیعیہ سنی الورلر. فرانسزجه «مینہر الوژی»
 تعبیر اولتان - فن بزه بوتحولک صورت وقوعنی ارانہ ایدر
 كرك طوز و كرك مجوهرات و بللور نوعندن
 اولان سائر معدنیات عن اصل قویو مایع لردن عبارت
 در. صکره دن یرك حرارتیله صو بخاره تبدل ایدرك
 اصل ماده اوفق بر طاش پارچه سی اوله رق قالیر، و صکره-
 دن دها سائر پارچه لره اینانماز بر انتظام ایله التحاق
 ایدرك کیتدکجه کسب جسامت ایدر. بو وجهله طوز
 بر قاچ کونده حاصل اوله ییلورسه ده مجوهراتک حصول
 بولسیچون بر قاچ عصره احتیاج واردر.

معدنلرک صورت ترکیبی اوکند کد نصکره

اصلاً حاصل اولدقلری طبیعی مغاره لردن بریسنی زیارتله قدرت الهیهیه بر نمونه اولان شو عجیبیهی دهاکوزل بر صورتده تفهمه مقتدر اوله بیلورز .

اطه لر دکزنده واسکی هیکل تراشلره الکوزل مرمر لری حاصل ایدن (پاوس) اطه سی جوارنده یونان مستملکاتندن و اطرافنی تخمیناً ۲۴ کیلومترو اولان (ایتیاریوس) اسمنده جسیم بر قیا بولنمقدهدر . مذکور قیا بیوک و منظره سی محوف بر نوع مغاره یی شاهلدر که مدخلی بیوک قیار اره سنده قالمشدر . مدخلک اورته یرنده قالین دیرک شکلنده قیار و اطرافنده ایصیرغان چیچکی و دیکن بر چوق نبات بولنمقدهدر . ایجرویه کیریلوبده بر قاچ ادیم آتیلر آتیلز یول طارلاشوب بردنبره ارض ایاقلر التندن نابدد اوله رق یرینه درین و دیک بر اوچوروم قائم اولور .

اشبو اوچورومه مشعلر صارقیدوب ایلرله اینک ممکن در . ایلاک بو اوچورومه ۱۶۷۳ سنه سنده ، استانبول ده و قتیله فرانسز سفیر لکی ایتش اولان موسیو «دوموانتل» نام ذات دیانت پرور اینمشدر .

۲۰ مترو قدر اینلد کدنصرکه قیانک اینچنده اویولمش طبیعی بر کوچک یول مشاهده اولنور که اطرافنی اوچو -

رومدر . بو محله ده هوا نملي وهر ير بخار ايله مملودر
اطراف وجوانبدن مایع کبی صو طمله لری دوشر .

مذکور یولده ۲۰۰ مترو قدر ایلرولند کدنصره
غایت کوزل بر منظره کوریلور ۳۰۰ مترو یو کسکلکنده
۱۰۰ مترو کنیشلکنده حولی کبی بر یر مشاهده اولنور که
قبه لرنده ، عجایب حیوانلر ، تحف چیچک دمتلری ، شکنده
طونمش بلالورلر صارق قده اولدیغی کوریلور .

مغاره نك نهایتنده ۸ مترو یو کسکلکنده و ۷ مترو
قطرنده بر طاش موجوددر که (محراب) تسمیه اولنور ؛
چونکه موسیو موانتل اوراده عبادت ایتمش ایدی .

یک درلو شکله ظاهر اولان مذکور بلالور پارچه لری
صونک بخاره انقلابیه حاصل اولور فقط قبه ده اصیلی
قالملری صو طمله لری نك یره دوشمزدن اول کسب انجماد
ایده رک هنوز قبه ده ایکن سائر پارچه لره التحاق ایتمسندن
نشست ایدر .

بو بلالورلر طاش و یابشقه بر معدنه منسوب ایسه لرده

بعض دفعه دخی هیچ بر معنده منسوب اولیان طونوق
بارچه لر دخی بولنور.

مکیتار یست شاگردانندن

عشاقی زاده

محمد خالد



توحید

۱

خدایا حکمتن صورماغه یوقکن اذن و دستوری
نه در انسانک اکا اطلاعہ سعی موفوری

۲

احاطه ایلشکن قدرت و علمکله اشیایه
نه در بونده تصور ایلک اسباب مقصدوری

۳

نهایت رتبه سی حیرت اولججه باب تحقیقده
نه در صنع کالنده عقولک درک مقصدوری

۴

سنکدر کورینان اشیاده قدرت بونده یوق شبهه
قضا و حکمتک انس و ملک بالجمله مأموری